

**ՀՀ Արագածոտնի մարզպետ Դավիթ Գևորգյանի ուղերձը Տեղական  
ինքնակառավարման մարմինների օրվա առթիվ**

10.11.2019

Հարգելի՛ համայնքների ղեկավարներ, ավագանու անդամներ, տեղական  
ինքնակառավարման ոլորտի աշխատակիցներ,  
Շնորհավորում եմ Տեղական ինքնակառավարման մարմինների օրվա առթիվ:  
Հայաստանում տեղական ինքնակառավարման համակարգը ձևավորվել է 1996  
թվականին՝ գերնպատակ ունենալով Հայաստանի Հանրապետության յուրաքանչյուր  
քաղաքացու մասնակից դարձնել իր բնակավայրի կառավարմանը, լսելի դարձնել  
ժողովրդի ձայնն ու կամքը:  
Արժևորելով ՏԻՄ-երի 23-ամյա գործունեության ընթացքում ունեցած  
ձեռքբերումները, միաժամանակ բախվելով նախկինում եղած բացթողումների  
առաջացրած խնդիրներին՝ մեր կառավարությունն իշխանության եկած առաջին իսկ  
օրվանից իր ռազմավարության հիմքում դրել է ազատ, արդար և թափանցիկ  
ընտրությունների անցկացումը, ժողովրդավարական սկզբունքներով տեղական  
ինքնակառավարման համակարգի ձևավորումը:  
Կա մի անհերքելի ճշմարտություն. ուժեղ համայնքները հզոր պետություն ունենալու  
երաշխիքն են:  
Հայաստանի Հանրապետության ողջ պատմության մեջ, այժմ առավել քան երբևէ,  
համայնքներին տրված է ինքնակառավարման, սեփական որոշումների կայացման  
իրավունքը ամենալայն իմաստով իրացնելու հնարավորությունը, իսկ խնդիրների  
բացահայտմանը և լուծմանը ժողովուրդն այսօր կարող է մասնակցել անարգել:  
Կրկին շնորհավորում եմ տեղական ինքնակառավարման համակարգի բոլոր  
աշխատակիցներին: Վստահ եմ, որ համայնք-պետություն համագործակցությամբ՝  
քայլ առ քայլ, ըստ առաջնահերթության, լուծելու ենք համայնքներում առկա բոլոր  
խնդիրները և տեսանելի ապագայում ունենալու ենք բարեկեցիկ համայնքներ,  
դրանով իսկ պայմանավորված՝ հզոր և հուսալի պետություն: